


TSI KANIATARÍ:IO AOKORÁHSERA

IAKONONHWARAKAREWÁHTON AORIHWÀ:KE IERIHWISÁKSTHA





**ROWAN'S
LAW**

KARONWARÀ:KE KAHIATONHSERANENTÁKTON:
10 NA'TEHONOHSERIIÀ:KON TÁHNON SÉNHA NITHOTIIÒN:SAS

Ontario 


lon'wé:sen ahsatià:taren taesewatkén:ni táhnon ó:ia naesewatié:ren, táhnon iota'kari:tat né:'e. Nek tsi sewatié:rens nó:nen enhsatkà:rihte ta'nón:wa enhsatatkaré:wahte. Saterièn:tarahkwe ken tsi enwá:ton ki ò:ni sanòn:wara ahskaré:wahte?



Tekiattihen aiontenonhwarakaré:wahte táhnon ó:ia aiontatkaré:wahte. Tóka' ahsathsineko'taní:'eke, enwá:ton ahsatkátho onekwénhtara nenwahsóhkwawen táhnon enwá:tohwe. Nek tsi nó:nen enhsatenonhwarakaré:wahte, iah átste tewatena'tón:ni ahse'kén senon'tsístakon í:wat!


lakononhwarakarewáhton konwá:iats ne ó:nen ónhka aiekaré:wahte ne akonòn:wara. Tasatkón:tahkw tsi sawennà:note ne

ahseweientéhta'ne ne iakononhwarakarewáhton aorihwà:ke táhnon oh nenhsátiere tóka' óhnte íhsehre tsi eh nesaià:tawen. Kwah í:ken tsi iorihowá:nen ne sanòn:wara, ne káti íhsehre ahsenóhstate!



NAHÒ:TEN NÉ:'E NE IAKONONHWARAKAREWÁHTON?

Iakononhwarakarewáhton níiá:wen's nó:nen sanòn:wara enwatorià:neron senon'tsístakon. Kwah aiokòn:reke senon'tsi:ne, seniarà:ke tóka'ni tsia'tà:ke enwá:ton aontakarihón:ni tsi sanonhwarakarewáhton. Ne karihwaráhston, enwá:ton ahsatenonhwarakaré:wahte tóka' senon'tsi:ne wa'tewahthénno'ke tóka'ni tóka' ka'shátste aontahsià:taienhte ohswen'karà:ke.



Teioterien'thá:ra né:'e tóka' iakononhwarakarewáhton. É:so ón:kwe óksa shatie'wén:ta's nek tsi ótia'ke ne ón:kwe eniaón:nise enhoti'nikonrhà:ren aonsahonnehià:ra'ne tóka'ni tsi nihononnhò:ten.

SENÓNHSTAT NE SANÓN:WARA: TESTÁHSTEN TSI IONTENONHWARAKAREWAHTÀ:NE!


**Seweientéhta'n ne iakononhwarakarewáhton aorihwà:ke ne
aesaié:nawa'se ahsatatia'tanónhstate.**

Né:e ò:ni e'thóhtsi:

- Serihwahní:rat tsi ioiánere tsi ioió'te ne sá:wen teiontkénnies iontstáhkwa, tsi iekaié:ri tsi ioienawà:kon táhnon tsi tkaié:ri tsi ní:ioht tsi satstonhátie.
- Serihwáhsere kaianerenhserá:ien ne nahò:ten tesatkénnies tóka'ni satkahri:tha. Ne ki ò:ni kén:ton tsi ahsheiatahónhsatate ne iesaweienhstén:ni tóka'ni iesarihonnién:ni nó:nen eniesahró:ri oh nénhsiere, tsi ní:ioht ne ahsateweién:ton ne sá:wen iontstáhkwa tho káti iah ónhka thaiakohsi:tia'ke.




- Sewennahnó:ten táhnon shthá:rahkw tsi ní:ioht ahserihwáhsere ne iakononhwarakarewáhton aorihwà:ke kaianerenhserá:ien tsi tesatkénnies.
- Tóka' sakarewáhton táhnon iah tesonnhí:io, serihwahní:rat tsi ahshehró:ri ne iesaién:'a, iesaweienhstén:ni, iesarihonnién:ni tóka'ni akó:ren ionkwe'towá:nen né:ne sheniahè:sas ne káti enwá:ton aiesaié:nawa'se.



SENÓNHSTAT NE SANÓN:WARA: TSIÉN:TERE'N NE WATENA'TÓN:NI TÁHNON NAHÒ:TEN IONTTÓ:KA'S NÓ:NEN IAKONONHWARAKAREWÁHTON!

▶ HIT. STOP. SIT.


Sanón:wara tiwanónhton's tsi ní:ioht tsi sanonhtónnions, sattó:ka's táhnon satorià:nerons. Ne káti, nia'teiohtánion nensari:wawen tóka' aesanonhwarakaré:wahte. Ne kaienterítston ehtà:ke karáhston watena'tón:ni wa'kèn:re watena'tón:ni táhnon nahò:ten ionttó:ka's nó:nen iakononhwarakarewáhton.



SENÓNHSTAT NE SANÒN:WARA:
TSIÉN:TERE'N NE WATENA'TÓN:NI TÁHNON
NAHÒ:TEN IONTTÓ:KA'S NÓ:NEN IAKONONHWARAKAREWÁHTON!

OH NAESONNHO'TÉNHAKÉ:

- Sanontsistanòn:waks
- Satsinonhwaténies
- Satstikánions tóka'ni sattó:ka's tsi enhsátstike
- la'tesakahrià:kon
- Oháhsera káton waterakareráhstha sa'nikonrhárha
- lohwestakarè:re sahónhtakon
- Sentorà:se tsi tesatia'takarenhráhstha
- Tesahwihshenhé:ion
- "lah tetkaié:ri tsi niwakonnhò:ten"



TSI NIIAKONNHÒ:TEN:

- lakona'khwén:'on tóka'ni iena'khwiiohá:ren
- Sénha iako'nikonhráksens ne ens ní:ioht
- Tiakoton'néksko táhnon iakotetsahnihtén:nis

IAKENTORÀ:SE AIONNONHTÓNION:

- Teiako'nikonhrawénrie
- Iakentorà:se aionnonhtonnión:ko
- Sentorà:se aonsahsehià:ra'ne, kwah né:ne oh na'á:wen'ne ohén:ton tsi niíó:re wesakaré:wahte

IAKENTORÀ:SE AIAKÓ:TA'WE:


- Iakó:ta's sénha niiohkà:te ne ens ní:ioht
- Iakó:ta's ká:ro niiohkà:te ne ens ní:ioht
- Iakentorà:se aiakó:ta'we

SENÓNHSTAT NE SANÒN:WARA:
TSIÉN:TERE'N NE WATENA'TÓN:NI TÁHNON
NAHÒ:TEN IONTTÓ:KA'S NÓ:NEN IAKONONHWARAKAREWÁHTON!

Tóka' óhnte ihsehre tsi í:se, tsiatén:ro, tetsiatkénnies tóka'ni
tsiateweiénhstha ionttó:ka's énska tóka'ni sénha ní:kon kí:ken nahò:ten
ionttó:ka's, shehró:ri ionkwe'towá:nen sheniahè:sas. E'thótsi tóhsa
sonhá:'ok ahsè:seke tóka' óhnte ihsehre tsi sanonhwarakarewáhton.



SENÓNHSTAT NE SANÓN:WARA: OH NENHSÁTIERE TÓKA' ÓNHTE ÍHSEHRE TSI SANONHWARAKAREWÁHTON.



Tóka' énska tóka'ni sénha kí:ken watena'tón:ni né:'e nesaià:tawen, e'thóhtsi:

1. Tésta'n tsi tesatkénnies.
2. Shehró:ri ionkwe'towá:nen, kwah né:ne iesaién:'a, iesarihonnién:ni tóka'ni iesaweienhstén:ni.
3. Tó: iesátken's ne iakotsináhken tóka'ni teiakóhsnie.
4. Satorihshen táhnon sahsie'wén:ta'n.




SAIAKOIE'WENTA' ONHÁTIE

Nó:nen sanonhwarakarewáhton,
tiotierenhtáhkwa tká:konte
ahsatorihshen ne káti
aonsahsie'wén:ta'ne. Tká:konte
táhsta'ne tsi othé:nen nisatiérha
ken' ok nikari:wes tóka' sénha
kahetkénhtha tsi nisonnhò:ten,
kwah né:ne tkaia'tárha
iontkahri'tsheronnia'táhkwa,
ionteweienhstáhkwa kaio'ténhsera,
íontstha ne teiehtharáhkwa, teiontkénnies tóka'ni ionteweíéhstha tsi
rontia'tahkariíohstha. Tesatonhwentsió:ni iekaié:ri tsi nikari:wes aesén:ta'we.



Tsi nikari:wes tsoie'wenta'onhátie ne sanòn:wara, skennén:'a enhsatahsónteren
tsi nisatiérhahkwe tsi ionteweienhstáhkwa, tsi
satkahri'tsherón:nis táhnon tsi tesatkénnies. lorihowá:nen
aonsahserénha'ne tsi nisatieránions tsi ionteweienhstáhkwa
ne káti aonsahsie'wén:ta'ne. Tiotierénhton, watié:sen
nahoténhshon nénhsiere tsi ní:ioht ne enhsewennahnó:ten
táhnnon ahsathahíta.



Ne ó:nen enwá:ton naho'ténhshon ken' ní:ioht náhsiere táhnon iah sénha tekahetkénhtha tsi nisonnhò:ten, enwá:ton aontahsatáhsawen ne nón:wa kaio'tenhserá:ien. Kwah tóka' sakwenionhátie, iesaién:'a, iesaweienhstén:ni táhnon iesarihonnién:ni eniesaiatákéhnha iaháhsiehste ó:ia tsi niiontiérha, kwah né:ne tahsaráhtate, aesewatkà:rihte skátne sewatén:ro, ionteweienhstáhkwa iáhsehte táhnon ahsatéweienhste nahò:ten tesatkénnies. Ne ieská:konte kaio'tenhserá:ien ne aontaiontáhsawen aiontkà:rihte tóka'ni taiontkén:ni.

Iakotsináhken tóka'ni teiakóhsnie eniesahró:ri nó:nen enwá:ton taontahsatáhsawen tsi nisatiérhahkwe.



TSHAKAWEHIAHRAHKWÉN:NI

Tóka' ahsatatia'tanónhstate tsi satkahri:tha né:'e tenká:tahste tsi aesakaré:wahte ne káti enwá:ton aontahsatkón:tahkwe náhsiere nahò:ten son'wéskwani! Tóka' ónhte íhsehre tsi sanonhwarakarewáhton, sehià:rak:

1. Tésta'n tsi tesatkénnies.
2. Shehró:ri ionkwe'towá:nen.
3. Tó: iesátken's ne iakotsináhken tóka'ni teiakóhsnie.
4. Satoríhshen táhnon sahsie'wén:ta'n.





Rowan Stringer

ROWAN'S LAW

Kí:ken karonwarà:ke kahiatonhseranentá:kon ne aorihwà:ke ne Rowan's Law iakononhwarakarewáhton aie'nikòn:raren iontstahkwa'shón:'a kahiatonhserarò:ron. Rowan's Law wa'akohsennará:ko ne Rowan Stringer, né:ne ionthenno'tsherenhá:wis teiontkénnieskwe Tsi Tkanà:tsio. Sewenhnísera, tsi náhe ronatkahri:ton ne akonèn:ra, Rowan wa'akononhwarakaré:wahte. Thóha akwé:kon ne ón:kwe shatii'e'wén:ta's tóka' ahontorihshen. Nek tsi Rowan iah teiakoterièn:tarahkwe tsi akonòn:wara iakokarewáhton táhnon teiotonhwentsiohòn:ne aionaktó:take aonsakaie'wén:ta'ne. Ontatién:'a, iakorihonnién:ni táhnon iontateweienhstén:ni iah tehonaterièn:tarahkwe ò:ni. Ne káti, Rowan taiontkón:tahkwe tsi iakotkahri'tonhátie tsi ionthenno'tsherenhá:wis. Tékeni shé:kon wa'tewáteratste wa'akokaré:wahte. Rowan akonòn:wara tsi niokarewáhton iah thaón:ton aonsaieie'wén:ta'ne.

Kí:ken iontstáhkwa iah tekanién:te ata'karitétshera ka'nikonhrawi:tshera taonsaionaktáhkwen ne sata'karitétshera aorihwà:ke. Ne sénha aesató:kenhse ne iakononhwarakarewáhton aorihwà:ke, tesenihthá:ren ne iakotsináhken tóka'ni teiakóhsnie.